

E jedem sy Schatz



gründet 1975

Fasnacht 2006



© • Druck: Krebs AG, St. Alban-Vorstadt 56, 4052 Basel

Mit freundlicher Unterstützung von der Biber Papier, Inapa Schweiz AG
druckt auf Allegro halbmatt, e Produkt von m-real Biberist AG

Foteli: Basel Tourismus, Aeschenvorstadt 36, 4010 Basel

Du stolzi Stadt am scheene Rhyy
Wirdsch allewyyl die Greeschti syy!
kenntschi verzelle, wurdsch is brichte
iber Saage, Legände, Gschichte
e mystisch Eertli, e versteegte Platz
in Basel git's e mänge Schatz

E bsundre Schatz – e Basler Stärn
Hett me wältwyt iberall gärn
Kaine kaa soo s'Räcket schwinge
Kaine kaa soo d'Uffschleeg bringe
Kaine kaa soo d'Lytt begriesse
Und kaine kaa d'Drääne soo vergiesse

Basel verkaufft sy letscht Stigg Land
an d'Chemie – isch das nit allerhand?!
E Stadt in dr Stadt soll deert entstoo
E Muere drum umme – wie sott das goo?
Wird deert e ghaima Schatz versteeggt
Die wo's wisse gänn sich seer bedeggt



Im Joggeli kaasch au Aine finde
Im Blogg A, z'hinderscht hinde
Ganz rächts usse, grad him Pfoschte
Nääbem Gitter, wo duet roschte
Deert wo's zieht uss alle Ritze
Isch dr ainzig Platz, wo no kaasch sitze

dr greeschti Schatz dä isch – persee
guet bhietet und gar nit z'gsee
S'ganz Jahr iber isch är versteeggt
Bis ihn d'Frau Fasnacht wider weggt
me muess en pflääge, fyyle, spyyre
Und ai mool im Jahr drei Daag lang fyre

So kenntschi no lang dur d'Stadt flaniere
Mit Schatz und Schätzli karrissiere
Fir Gross und Glai isch ebbis derbyy
So isch's z'Basel an mym Rhyy
Mach d'Augen uff an jeedem Platz
Denn gseesch's glyy: Jeedem sy Schatz!

MAGNIFICIS. AMPLISSIMIS. PRVDENTISSIMIS.
PRÆSTANTISSIMIS ET INTEGERRIMIS VIRIS
CONSVLIBVS. TRIBVNIS. SENATORIBVS
ET CIVIBVS INCLYTÆ BASILIENSIS REIPVB.
DOMINIS. PATRIÆ. PATRIB. FAVTORIB. ET AMICIS
REVERENTIE. SVBIECTIONIS GRATITVDINIS ET AFFECTVS
MONVMENTVM HOC MERITÒ C. D. O.
MATTHÆVS MERIAN BASIL. ANN. M D CXV.

